

Quelques apostrophes à la France
88 Le diuin mal surprendra le grand prince:
Vn peu deuant aura femme espousée,
Son puy & credit à vn coup viendra mince,
Conseil mourra pour la teste rasée.

Stingit gallum
89 Touts ceux de Ilerde serôt dedans Mosselle,
Metants à mort tous ceux de Loyre & Seine:
Secours marin viendra pres d'haulte velle
Quand Hespagnols ouurira toute veine.

Sedens uellum
90 Bourdeaux, Poitiers, au son de la campane,
A grande classe ira iusques à l'Angon,
Contre Gauloys sera leur tramontane,
Quand mōstre hideux naistra pres de Orgon.

Bellum ex aspe iudicis
91 Les dieux feront aux humains apparence,
Ce qu'ils feront autheurs de grand conflit:
Auant ciel veu serain espée & lance,
Que vers main gauche sera plus grand afflit.

Propter iudicium
92 Sous vn la paix par tout fera clamée,
Mais non long temps pille & rebellion,
Par refus ville, terre, & mer entamée,
Morts & captifz le tiers d'un milion.

c ij